



王友梅

林之英詩存

林之英詩存



影 近 者 作



大著屬意遺囑渾
達雅近香山居士通歲
之作尤微孟晉作者年
力富強從茲邁往篇什
加豐定可卓然成家謹
識數言以祝前途并申
佩仰

黃大 南昌熊心琦



姚家弄瓦得



奇女不櫛

親已足傳

況復詩歌

能咏志

謂自遠

懷苦共潜

然拓南越

姚字楚英

詩存

月色



拓月三閏子丙瓦殘越南

楚英詩存

敦詩悅禮

含談吐忠

周啓剛題



楚英詩存序

予甫弱冠。以文字徧謁鄉先達。猥受寵許。各贈言見勸。電生姚茂才有刮目應同羨。居然翰墨新句。茂才卽清丹徒教諭藝諸孝廉子。楚英之父也。性和煦。授徒自守。嗜盃中物。輯有酒史。女子修齊錄諸書。生丈夫子二。女公子五。均擅文藻。而楚英劍氣珠光。英英露爽。才尤傑出。卒業文治大學。歷長本邑城南吉礁星加坡兩南華女校。遨遊南溟數稔。譽望洽然。若鄂若粵。雪泥萍梗。輒隻身往返。其膽識有足多者。僕忝葭李。衡宇相瞻。而彼此不家食。游蹤靡常。罕數數觀。金惜墨慵。積歲越通魚素。比楚英眷念親邁。不欲久客異域。民二十二歲自回國。爲便就養計。橐筆京中者。已歷三載。今春忽手繕詩詞稿郵示。索弁一言。異哉。楚英不求於世之顯甚學邃者。顧獨以屬諸牖下老生何也。竊笑二人跡疎趣異。落落不相符。或第取其迂鈍孤騫。爲差近歟。抑人之行誼。最難誣於桑梓。鄉之筆固害足重。鄉之言詎不可徵。昔吉仙女士。詩名膾炙雲間。君之王姑也。君爲六宜樓替人。而迄今猶未字。殆所謂霞舉千里。冰襟



一世者。然乎否耶。楚英之詩。樸樸似其爲人。惜蚤失怙。趨庭之教淺。又少名師友。爲之陶鑄。故大半自抒性靈。不事敦琢。獨存天真。惟是格律森嚴。歷來大家。不無小疵。學者於此。終須加之意耳。處世宜棄智滅學。梅目歛肩。方獲遂志。苟欲窮覽博習。以才美求知於人。非大惑而何。僕每惜世之才媛。大氏類首黃白以去。而君仍把卷長吟。效嬰兒子自力以養其母。可謂高已。脫屣山人詩學直說曰。作詩勿自滿。識者詆訶。則易之。然僕謂文字特寄焉爾。文字外自有立身要素。若不求諸內行。唯文字是索。得毋皮相之誦。吾里才媛。如馮氏玉芬。麗楷錦。履端履瑩姊妹。李氏玉瑤。龐氏瑤珍。朱氏影蓮。穆庚。姚氏芬。其慶。以君當之。或無媿色。而緬懷馮墨香。張嘯山于香草諸先哲。方聞績學。流風餘韻。問今疇克拾其半武者。斯則僕序楚英之詩。不得不引爲莫大悚慙。宜如何益有以互勉。仰追芳躅於千秋。是用策厲其後。

民國二十五年季春南匯朱太忙謹識

黃序

古今來爲詩者多矣。然有真詩。有僞詩。矜才使氣。詞藻繽紛。按之其中。枵然無有者。僞詩也。發乎性情。止乎禮義。令人感動奮發。挹之而無盡者。真詩也。古詩三千餘篇。孔子刪之。存三百十一篇。爲之發明其旨曰。詩三百。一言以蔽之。曰思無邪。於關雎贊之曰。樂而不淫。哀而不傷。於唐棣斥之曰。未之思也。夫何遠之有。間嘗本此意以論古今人之詩。合之者十得一二。不合者十常八九。夫詩以言志。動於自然。不事雕琢。則其意真摯。其詞率直。固不必求其聲調之鏗鏘。音韻之中節。而真性真情。沛然流露於字裏行間者。真詩也。余讀楚英女士之詩詞。有合於真字之旨焉。女士以詠絮之才華。負師資之聲譽。歷長校務。遠走南洋。講授餘閒。寄志於詩。瀏然以清。煦然以和。不矜才。不使氣。而於憂國思親。悲死慰生。登山臨水。傷時感事。諸作。皆能纏綿宛篤。一唱三歎。使我憂樂循生。傷感同情。而莫知其所自。信乎真性情之詩。感人深

矣。非然者。縱與言詩。吾不知其爲三百。爲漢魏。爲晉唐宋元也。女士近集詩成帙。以同人之誼。索敍於余。余不文。不能敍女士詩也。余夙佩女士奉親養志。負米海洋。女兼子職。才能能孝。欽企欣慕之餘。益動我陟岵陟屺之悲。遂不自覺其陋而記數言於篇首。

民國建元二十又五年。黟山人黃少牧記於白門之黃鐘毀棄行館。

高序

楚英詩存弁言

詩者所以發摑人之性情。寄託人之懷抱。是故哀感興憤。爲凡屬含生之倫者。儼然爲布帛菽粟以外。一日不可缺乏之具。蓋人生既臨事與懷。又或因物而動。而其所不能少者。于是乎託于聲詩。所謂言之不足。故長言之。長言之不足。故永歌之。嗟嘆之者也。

楚英女士。身丁離亂。往曾涉足南洋。執鞭爲教。其治事之勤。基于其心之惻怛。而其攬筆爲詩。輒多家國興亡之慨。蓋其英華鬱于中。故能感慨淋漓洩於外也。豈非然哉。

抑又聞楚英平居奉母。其處心宅性。恆有北宮嬰兒子之勤。是其孝思所蘊結。

類非時下兒女子所能望其項背。則楚英之詩。更加磨厲。又其德厚之至純者也。

余于役京都。獲與楚英同曹治事。間有公暇。亦輒就楚英論詩。今楚英更哀集其平生所存。得如干首。殺青甫就。請弁一言。余愧不解詩人之旨。故廣楚英之志而一申言之。楚英儔以爲何如。

中華民國廿五年六月朔弟高二適拜序

自序

天地之大。萬物之衆。人事之繁複。何者可以託言寄意。徵時代之隆替。人心之微奧。喜怒哀樂之情。何者可以宣而洩之。表著個人之際遇。曰。其惟詩乎。楚英幼未治詩。長始好之。偶讀詩詞。覺津津有味。苦乏良師益友。以相誘掖。且常執教他鄉。天涯奔走。衣食所驅。日不暇給。雖有精研之志。而力久未逮。僅公餘之暇。諷誦古人詩詞。稍學吟咏而已。間有所作。輒卽棄去。不敢畱人。設有戚友知而索閱者。逼之始出。亦冀緣是以獲切磋砥礪之益。非樂以敝帚自炫也。亦非藉此以獵名譽。然偶有所感。輒成俚句。以自遣。故詞多拂鬱。久而篇帙增多。友人輒慫恿付梓。以供同好。惟自愧下里巴人。未免貽笑方家。况當國步艱危之際。匹婦有責。不爲前進之呼聲。乃欲效蟲吟蚓竅。靡靡之音。不遭邦人君子冷齒耶。然詩言志。歌永言。我之觸於物而感於中者。卽發於聲而出於口。如四時之以鳥雷蟲風籟者。盡內有憂思感憤之鬱積。必自

鳴其不幸而後快。繩以毀譽。抑又末矣。茲集得詩詞共二百餘首。以付手民。尙祈海內外諸同文有以教之。辱蒙

諸大吟壇 賜題。感激之餘。并此鳴謝。

民國廿五年六月南匯姚楚英自序於金陵

題

詞

以收到先
後爲序

昌黎

張念祖詩

扶輪大雅遙。風騷墮久矣。音期正始存。乃在一女子。女幼誦南義。語澈葩經旨。學成戒積藏。門牆植桃李。占鳳無清門。標梅藐吉士。二水三山。蘭馨芝蘭兒比。松蘿有文人。傳鈔積萬紙。遺賁詩一編。展卷大歡喜。女弟子多多。吟哦誰及此。瑤編示同堂。應聲或四起。

江西熊公福

曾向南溟賦壯遊。海天雲物望中收。歸來試檢奚囊看。滿貯芳馨適杜洲。九天珠玉唾塵寰。信手拈來妙趣環。脫盡香奩脂粉氣。最蒼涼處最幽嫻。愛國剛腸屬性生。女兒心事正光明。江山變色吟情迥。時有悲筇出塞聲。檢點詩心爲浣薇。一編齊唱木蘭詞。從今不數然脂韻。記取啣杯看劍時。

題詞

一

潮安劉蟻

綺靡緣情婉以淒。錦囊句敵斷腸詞。華年似水歐心送。漆室憂邦熱淚垂。滄海荷衣去國久。故園茆屋賣珠爲。椰風蕉雨經行慣。歷歷南瀛繫夢思。

南匯沈瘦若守約

北宮錫類養慈親。翰墨怡情玉守身。多見良妻賢母累。安閒轉羨女詩人。風雨江山處處危。綠窗拈韻亦攢眉。吟同漆室憂時嘯。不是紅顏未嫁悲。

天津徐緒通一達

女子多才詎不祥。若昭姊妹重膠庠。棗梨版刻詩千首。桃李陰培樹兩行。養志惟期烏鳥報。催妝慵卜鳳凰鑾。鳶蘿松柏文人在。海內徵題事更忙。

興化鈕敦仁慕頤

古調重彈近代希。何期佳什出閨闈。讀書業早青箱裕。問字人多絳帳依。鴻印雪中

痕盡玉。鶯鳴花底語如璣。深心更把春暉報。寸草殷殷未忍違。

南匯王化南季昆

秋陽曝。江漢濯。裔出重華降崧嶽。想來明月是前身。舉世皆渾我不濁。梅花未遇林君復。甘處深山完太璞。鐵中錚錚鳳之毛。庸中佼佼麟之角。陽春白雪發浩歌。道韞才華大家學。撤其環瑱事萱堂。謝却濃粧崇儉樸。孝思不匱媲北宮。當今難能觀數數。淑身並作淑世謀。絳帳宏開起後覺。迥然巾幗出英豪。女界賢師欽卓卓。春風時雨化深閨。羣玉乃仗良工琢。盈門桃李盡成材。弟子三千皆卓犖。以身作則善教人。不尙浮華尙真確。吟詩大有鬚眉氣。破浪乘風慕宗慤。君不見歐化東行競維新。削足就履妄施斷。砢砢亂玉非本真。失却精華贗糟粕。惟有女士學識高。獨向文壇留著作。力挽狂瀾國粹存。不啻雞羣立一鶴。嗟乎舉國如狂尙摩登。深染習氣難救藥。天生女士作慈航。徧洒楊枝水露渥。著書立說付千秋。發蒙振聵功尤倬。

題

詞

大庾鹿萬選悲亞

有客新從海外歸。江山文字助清輝。掃眉才子知多少。不及隨風唾落璣。
中外湖山歷歷陳。齊煙九點盡芳隣。滿城桃李芬如海。不屬春官屬美人。
文明劃破乾坤界。講幔何須隔絳紗。漫惜宣文君竟逝。宋家而後又姚家。
漱玉長真俱不朽。名山同占獨空羣。幽棲寂寂南樓死。此筆今時總屬君。

曲江鄧潛

疑是嫦娥下九天。青霄蠹蠹月娟娟。霓裳本是廣寒曲。飄入人間句亦仙。

興化楊雪溪笠舫

詩以理性情。溫柔敦厚旨。憂時杜少陵。亂離背鄉里。束皙補南陔。庭幃眷戀繫。古人
寄篇章。要終務原始。語摯而情真。行遠必自邇。今人弄筆端。浮豔塞滿紙。免俗信未
能。聊復云爾爾。南匯毓秀靈。虞姚女公子。進身學校階。舉動悉由禮。擇壻非云苛。鳳

鸞世罕比硯田客他鄉。親恩篤毛裏。魂夢戀高堂。北宮嬰兒擬。蠻荒憶舊蹤。山木葱
龍起。風光入畫圖。澄懷清見底。春秋佳日多。寫趣四時喜。卽今京中居。母不門閭倚。
玉雪霏蘭言。榛苓賦彼美。集合數百篇。分類古今體。名山壽世多。一家成詩史。徵題
三星期。郵電迅飛駛。馬工步後塵。枚速先登几。

南匯王 鈐漱凡

珠璣字字擅風流。盡向蛾眉筆底收。別有一腔孤憤在。不關春恨與春愁。

平湖袁 潛羅梅

漆室悲吟淚幾行。關懷敢爲惜春光。寶窗選壻才非匹。花縣迎親志已償。垂誠曹昭
培女學。居官崇煬作男妝。壯遊海外搜奇蹟。剪取輿圖入錦囊。

東台 陳永釗 蘊仙

楚史風華瞻典墳。含辛有美秀而文。智珠清慧瑤宮謫。鸞鶴飄飄迥不羣。

英英雲白客思鄉。魂夢戀依繞北堂。古族清華虞帝胄。終身愛慕刻難忘。
詩人溫厚旨和平。流水高山寄遠情。大盜不教頭面露。感時逸趣覺橫生。

海陵孫同德 體儒

生花彩筆邁凌雲。妙句天成吐蕊芬。中外山川增閱歷。勝他蘇蕙織迴文。
感時憤世託詩情。熱血如潮筆底生。愧煞鬚眉千百輩。口頭救國負虛名。
誰將妙格說簪花。咏絮才華擬謝家。他日乘龍新中選。閨中賭韻鬪尖叉。

集中當時之作居多

玉環童樹民 聽情

楚水吳山閱歷深。一庭桃李半成陰。胸中負有鬚眉氣。都付才人長短吟。
英雄氣概女兒身。曾長南華幾度春。讀罷標梅猶待字。乘龍畢竟屬何人。
詩成四體見吟工。三百篇中有國風。板凳生涯甘冷淡。移薪養母北宮同。
存心救國劫灰餘。偃傍慈幃讀五車。守禮惟嚴陋時習。吳興真個女相如。

東台姚 嶽頌岳

一卷新詩具剪裁。蘭心蕙質衆交推。吾宗今有簪花筆。不遜謝家詠絮才。
含今茹古兩融通。字字珠璣句句工。冀早殺青傳海內。好鍼末俗挽漓風。

無錫胡介昌 茲儔

開元宰相舊家聲。千載坤靈萃楚英。休羨隨園女弟子。六孃詩派出新城。
我在蓉湖久倒紉。考亭緣是舊同盟。指太忙學士說吮毫充作題橋客。莫笑一聲山鳥鳴。

上虞周志銳 步莊

風流真箇女中魁。也具謝家詠絮才。幾卷詩餘芳草麗。一枝筆妙好花開。
翻同金縷新歌曲。備得玉臺舊體裁。雅頌衰微倫紀壞。閨門今幸有人培。

黔縣胡善仕 達卿

一代風騷萃女宗。梅花丰骨玉玲瓏。陽春白雪高無價。留與詩人詠不窮。

南匯胡墨儒紅豆

轅轅風騷幼婦辭。吟壇誰與角雄雌。江山況助嬋娟筆。不數卑卑漱玉詞。
奇花初放月初胎。靈氣如雲去復來。莫道一編聊爾爾。平生懷抱幾時開。

岳陽彭森少海

瀛海之中寫景。倫常以內言情。何期不櫛有蘭英。如許雅懷清興。信是江山得助。
斯能錦綉裁成。挑燈想見妙心明。纔讀教人神定。調寄西江月

興化楊雪門橫山

虞姚古族世欽崇。敦厚溫柔林下風。格律遙追工部選。才華雅與謫仙同。成材學子
傾南島。養志嬰兒比北宮。旨趣恬恬情性理。揚芬擣藻薄雕蟲。

沔陽金大勳集成

曲高和寡譜陽春。古調彈來迴絕倫。志述詩存吟柳絮。輝生文采悟蘭因。北宮養母

會無恙。南姑相攸信有真。賞識知音千里外。有緣逢著有緣人。

常熟錢漣瑜景周

純孝親能事。新詩補白華。聯吟邀姊妹。索笑詠梅花。立品爲人羨。多才敢自誇。錦囊搜麗什。珍重付籠紗。

南通劉匯清仲澤

繽紛天雨曼羅花。珠玉如披感物華。南國客遊宣木鐸。北宮孝養式香車。陰成桃李星坡遠。才壓蘇蘭浦左誇。三足集庭歌愛日。清吟萬首正而葩。

藝文類聚古今注日中三足鳥之精降而生三足鳥有虞至孝三足

集其庭其

廣東何俠

佳章拜讀挹清芬。三楚才人盡屬君。昔日斷腸今再見。妙裁尺錦織迴文。咏絮才高說謝娘。蘇家小妹齒留芳。千秋博得名利姓。黛玉焚詩別有腸。

題詞

六藝如今信可誇。清新音律按紅牙。閨人手卷才人筆。一代文章出大家。誦帕新辭有所思。批風抹月宋唐詩。一篇寫就留存稿。好待騷人細讀之。

黃陵杜維城子殿年七十有九

海曲嬋娟淑且賢。丰神氣格獨芳妍。大昕雅肄超巾幗。化雨時行入管絃。蕙質蘭心傳美譽。桃穠李郁荷精研。校書博士誇閨秀。才子翩翩著讓先。

讓先孰是敢爭先。援筆成文錦綉篇。萱室養親能盡孝。寶窗選壻必求賢。名揚大學功言立。服務中央體用全。柳絮才情超俊彥。自慚老大句空聯。

南匯季望疇禹伯

課餘妝罷却徘徊。綽有清新咏絮才。窗畔梅花天外月。一時齊向筆端來。飽閱遺經與古書。書中大義驗無虛。孝親堪媲嬰兒子。幾輩鬚眉總不如。輕寒薄暖仲春時。誦讀紅閨白雪詩。絕似攜柑聽隄畔。鶯聲脆囀綠楊枝。

天教絕世擅聰明。詩似冰壺澈底清。堪信女中有元白。好將一卷壓羣英。

黃巖林 拔憩伯

難得五枝姊妹花。中惟行六更才華。珠璣滿腹由天授。桃李成陰遍海涯。禮度無虧能謹守。孝思不匱洵堪嘉。焚香展讀新詩句。辭藻超羣有幾家。

餘姚 李造舟 貫澄

錦心繡口盪柔腸。吐出文章字字香。未寫曹昭修史筆。已盈謝女琢詩囊。清詞霏玉真無玷。妙語穿珠迥有光。才調奚輸蘇小妹。將看對偶合秦郎。

大通 甯勤德 不孤

滿幅珠璣咳唾成。皎然冰雪見聰明。女兒心口英雄膽。別有詩才本性情。

潮州 黃仲瑜

班蔡文名謝李詞。千秋累帙壓顰眉。開篇幾次驚神韻。拜倒生花筆一枝。

六合曹紹南醒齋

風摧椿樹正銜哀。吟興春光併作灰。忽聽叩門聲剝啄。綠衣人挾素書來。清詞麗句已驚奇。况復堅貞不入時。敢謂無才便是德。卽今媿煞我須眉。

從弟永年養怡

在家才調謝娘姿。蕙質蘭心絕妙詞。豔說六宜樓傳後。族姑祖魯序公生六女俱有才名題其所居爲六宜樓古仙太姑母有詩集刊行其尤者者也承先媲美句何奇。

棄筆曾周南島游。嘗任星洲南華女學校校長及檳城吉礁等各埠教授所至爭聘斐然桃李盡才優。學生有歸國參加運動等舉溯源有自鍾巾幗。

伯祖聯詩李應就職丹徒教諭伯父田生茂才創設女學於鎮中伯母亦任揚州教務被讒獲擯事而執牌執輪請驗亦均能工書畫軟間就且任奉賢縣頭橋鎮鎮長媿我雕蟲附驥留。予少卽就實自恨下十年讀書近正蒐輯

吾族詩文著述
擬對詞流傳

閨秀

崇明施淑儀學詩

家學淵源有宛君。小鸞繼起挹清芬。若昭姊妹多才思。不讓公卿擅立勳。
愛遊山水資詩料。麗句清詞別有情。桃李成陰護正茂。謝家聲譽滿江城。
國難臨頭痛切膚。覆巢怎奈卵完無。憐君一掬憂時淚。天下興亡問匹夫。
情魔不著無煩惱。玉潔冰清愛自由。萬里星洲曾作客。風濤滿地使人愁。

丹徒李董繡珠瞻雲

南國謳江漢。蠻荒萬里投。弦歌流外域。模範自中州。離別還家夢。艱難抱國憂。笙詩
容借補。卷帙綠窗留。

古歙劉舜英琴君

一曲南薰古。虞姚說至今。庭幃多愛慕。塵海少知音。黃絹裁新句。青春檢舊吟。短才

慚襪線。徐度借金鍼。

紹興李秀娟玉英

君是楚英我玉英。差欣一字附同名。好詩讀罷心彌折。甘讓騷壇獨主盟。英雄不服服英雄。桃李春風舞滿枝。我亦有情同性別。學吟將要奉爲師。

南匯姚許杰吉如

詠絮才華林下姿。簪花妙筆寫新詞。若昭姊妹多才俊。一卷流傳自可期。昔年海曲記從遊。絳帳春風愛護周。魯鈍莫嗤頻問字。巴詞敢冀廁名流。

胞妹軼倫

一卷新編若楚詞。雪泥鴻爪悉留斯。幾多抑鬱難平氣。化作悲歌慷慨辭。漠視功名隨遇適。忘懷窮達任所之。孤高不善逢迎術。坦直清真只自期。

楚英詩存

古體詩

讀書隨感

古人不見我。我不見古人。唯有文與字。千載得相親。

詠盜

掠人財物者。只被飢寒遣。世間真大盜。反不露頭面。

春雪

乍寒出意表。金薄衣裳少。晨起關柴扉。羣山頭白了。

春暮

鶯聲枝上稀。目斷天南雁。流水送殘紅。春去年年慣。

自遣

畫虎難畫骨。知面不知心。人情多鬼域。何處覓知音。孤調勿復彈。毀却伯牙琴。嘗盡人間味。方知父母恩。百

年原暫寄。一霎古猶今。日月光雖耀。浮雲尙可侵。逆來當順守。悶極託蟲吟。

別意

皎皎玉兔光。何爲照我床。托身千里外。中夜起徬徨。烽火家山險。堪爲遊子傷。夢中見白髮。避難走踉蹌。雁絕書難寄。有語鬱衷腸。萍飄何日已。淚下沾我裳。

述志

不甘金閨藏。遠適此荆蠻。托足雖有門。義不枉受餐。流轉何時已。一枝棲未安。思濟苦無梁。世路多艱難。誰能和白雪。願絕伯牙彈。人生本逆旅。顛沛付達觀。天涯比鄰若。北堂救水歎。屯邰斯鍛鍊。一笑休悲歎。新詩隨興賦。留作後人看。

遊星洲軍港水樓

風塵潦倒可憐生。引筇蓬壺一日行。暫作神仙天地外。忘懷世務不關情。茅舍玲瓏面海築。遠山環堵似春城。碧水漣漪明鏡裏。往來汽艇自縱橫。依依落日離人意。新月冉冉上嶺輕。漁火疏星幾莫辨。晚峯喬木欠分明。開罇坐對肥鮮佐。痛飲葡萄帶淚傾。酒入空腸愁易掃。醉來我亦欲騎鯨。烟浦任魚頻起躍。昏椰宿鳥屢飛鳴。模糊景色憑欄處。如泣秋蟲訴不平。月影穿窗歸夢醒。濤聲拍枕旅魂驚。風雨瀟瀟薄寒侵。被衣起坐正三

更殘宵。覺有陰森氣。一點光輝賴短檠。人居濁世多磨折。乘風何日展歸程。小住盡歡遊盡興。長歌無韻哭無聲。

太湖飯店早起

鳥喚遊人起。清風入戶來。憑欄凝遠望。山巔雲未開。朝曦正初上。林木着微黃。倏忽千巖變。霞飛透曉光。烟籠二湖水。隱約見梳檣。心苦爲形役。世情炎復涼。何當駕舟去。從此歸帝鄉。

落花

半夜妬花風。一簾春寒雨。呵護乏神功。花開本無主。曉來三徑迷。零落滿芳塢。細細香入沙。陣陣起紅舞。點點夾塵揚。簇簇蒼苔聚。君不見凌亂逐長流。狼藉垂楊浦。淒涼半面妝。腸斷舊漁父。蝶怨過牆東。鶯愁啼空樹。新詩權當哭。佳句慚工部。

春日郊遊入暮

嵐光春日明。綠水山村繞。楊柳小橋邊。靜坐堪垂釣。碧桃映水紅。叫人獻媚笑。蜂蝶戀花叢。鶯燕歌新調。好景最難留。一霎落殘照。遠山鎖翠眉。不似來時妙。暮鴛惹人憐。燈月相輝耀。與盡始言歸。臨風復長嘯。

鏡中見懸壁小影

君是畫中人。更在鏡中看。壁間向石覘。鏡裏却左覘。外髭黑蒙茸。短髮垂肩散。常爲羈旅身。秋風悲江漢。飄泊自年年。栗六仍旦旦。相顧儘相憐。等閑容顏換。世味遍炎涼。槁木失爛漫。人生數十春。渾然亦將半。事業愧無成。弔影唯長嘆。

獨酌醉後

獨酌忽焉醉。一醉等神仙。傷心腸斷事。不得上心弦。抑鬱因之散。煩惱不須牽。手足擬輕翼。神魂俱飄然。旣放高歌罷。起舞如狂顛。窮達都歸命。孤芳不自憐。渾然無所苦。酣夢枕書眠。

五律

詠菊

東籬甘冷落。骨傲擬蒼松。佳色凌霜豔。清香溢露濃。千秋君子比。三徑故人逢。休共軟紅賞。祇堪高士從。

登樓詠雪

朔風何凜冽。雲凍絕飛鴉。隨麥宜三白。年豐兆六花。憑高凝遠望。寒氣逼人賒。缺陷渾無辨。哀鴻盡失家。

除日在樟林

歲暮天涯客。思鄉感慨多。鵬程空有願。日月枉蹉跎。故里冰霜結。殊方氣候和。從茲觀異俗。風尚果如何。

新年寄友

韶華愧虛擲。才薄謝無能。興趣頻年減。憂懷似歲增。知音渺何處。啓我有良朋。冀發梅花使。瑤緘好拜登。

人日

堂前梅放玉。陌上柳垂金。雲鬢開還歛。清光晴復陰。登高徒極目。感事欲傷心。人日偏驚至。無聊且獨吟。

端陽

榴花方吐焰。解纓綺筵開。痛飲菖蒲酒。頻斟琥珀杯。奮飛蘭槳去。快奪錦標來。湘水滔滔裏。家家弔屈才。

柘城極樂寺遇雨

碧巖青嶂裏。古寺夙垂名。色相空且遠。襟懷淨更明。溼衣蒙雨氣。洗耳賴泉聲。直上凌霄處。浮雲蔽一城。

偶成

歷山事舜耕。得失與誰爭。野鳥還知樂。山花不解情。白雲斯我伴。黃犢可逃名。世外消煩惱。悠然一死生。

遊寧感懷

民國十八年

海外新歸客。金陵作勝遊。煌煌銜院築。遂遂利名求。易起蕭牆釁。難忘家國憂。登臨無別感。一片古今愁。

題祖姑母吉仙女史贻稿

六

品立詩纔好。韻高句更新。襟懷思謝女。格調識唐人。德潤方稱富。才多未是貧。生來嗟我晚。誰與問迷津。

九日

一年容易過。令節又題糕。黃菊蕾初綻。青楓葉漸醺。醉餘猶作賦。冒雨且登高。自愧藩籬鷄。何當萬里翱。

嚴冬京滬道中

搖落江南道。寒林路幾層。山巔俱已禿。河水盡成冰。芳草郊原絕。野雲天際凝。雄心豈被凍。猶是慕霄鵬。

春雪

曉來鶯燕寂。一望白無涯。壓竹埋芳草。鋪棉沒筍芽。山山如變玉。樹樹似開花。只恐兒荒兆。平民盡怨嗟。

玄武初秋泛月賞荷

玄武初秋好。荷香月滿船。夜涼衣袖短。波靜葉珠圓。起伏山連郭。空明水接天。琉璃世界裏。一刻亦神仙。

七律

哭胞姊韻蘭

歸鄉無奈感人牽。欲語爭如商與參。共訴臨終悽絕態。相看淚下已沾襟。天憐地憤由來久。跼壽顏天自古。恨我來遲呼負負。重泉慰問賴新吟。

萍蹤浪跡叩靈遲。一棹輕舟詣厝祠。始紫嬌紅齊慘色。鶯啼燕語總含悲。桐棺三尺誰憑慟。闔範千秋孰可期。天妬賢才成慣例。臨風不覺淚如絲。

小劫紅塵僅卅春。曇花一現可憐身。玉愁萬怨隨魂化。四德三從認太真。死得優游甘作鬼。生常鬱悒苦爲人。偶然染恙無多日。竟作瑤池不速賓。

自悼

夙昔雄心付劫灰。立言淑世愧非才。生前難樹千秋業。死後惟餘一酒杯。有限韶華驚逝水。無情歲月暗相催。百年瞬息馮唐老。辜負親恩只自哀。

題祖舅德夫朱公遺愛錄

公是澄溪百代豪。婆心濟世敢辭勞。同生術共秦人妙。肉骨功同良相高。秋菊春蘭供品繪。鴻飛鶴舞助揮毫。名垂不朽應無愧。浦左齊欽比鳳毛。

冬節

此日光陰駒過隙。更殘漏盡曉鷄催。每逢冬至常爲客。今歲陽生昨正回。料得隋堤新柳發。想應庾嶺早梅開。飛鳴跼蹙孤影。紅葉辭柯落作堆。

祝陸建中先生九十壽辰

沃心種德姓名登。激濁揚清公獨能。妙術撥沙龍耳瑞。含華養氣鶴齡膺。百年會看萊觴祝。五世同堂郭壽徵。至孝性成甘淡泊。洪楊脫險福彌增。

甲子除夕大雨滂沱而江浙戰爭未息

明朝歲序又更新。未息干戈風鶴頻。戰地可憐多失所。爐邊何幸獨閒身。滂沱簷雨哀鴻淚。滿酌屠蘇欲助神。最是今宵眠不得。豈爲守歲痛災民。

乙丑元日

敲殘臘鼓催年改。稿檢詩篇又歲更。柏葉滿斟將進酒。梅花恰放見新英。人間且喜逢元日。宇內猶疑望太平。樂我閒身安我素。忘懷榮利愧虛名。

元宵作於滬上

銀燭高烧不夜城。昇平一曲管絃聲。香車綺陌揚塵細。寶馬花衢踏月輕。年少縱云須盡樂。心清遠俗自忘情。

情繁華莫道元宵好。負却書窗梅影橫。

臘梅

冰雪交加春意遲。蠅苞冒冷破寒枝。操同松竹成三友。羞與羣芳競一時。笑素嫌紅香入夢。浮金舞麴影清池。只愁賞後花零落。忍聽淒涼羌管吹。

天燭

歲暮霜飛萬卉空。南天燭子獨成叢。忽驚夢斷原雲綠。惆悵深情變豆紅。弧影幾條小院側。珊瑚千點胆瓶中。華堂供養真堪貴。合與梅花相等崇。

中秋懷友

桐階露冷氣橫秋。隔院砧敲晚未收。萬里銀盆輝碧宇。數聲玉笛弄高樓。臨風低唱悲誰和。泛月扁舟憶舊遊。兩地應同今昔感。姮娥不解替人愁。

決志南遊 丙寅十月

天賦官能固不偏。何分拙巧與愚賢。文章安足垂千古。事業難成到百年。投筆擬乘宗慤浪。聞雞快著祖生鞭。異時日暮歸田野。雲白山青絕俗緣。

感懷

萬里蓬飄四海家。忘懷榮辱鏡中花。赤心權利悲能蓋。白日浮雲恨可遮。騏驎最難逢伯樂。干將不易遇張華。崎嶇涉世方伊始。努力前程豈有涯。

星洲至檳城車中

地旋雲奔實快哉。椰林不絕眼前來。華人第宅多如櫛。土著茅廬隱若臺。（馬來土人架屋而居若亭臺然）野豔有香到處是。國花無種手難栽。河山試看誰家得。倚伏盈虛心莫灰。

贈吳女士

淡交如水莫如蘭。把臂清談瀝肺肝。傾蓋每嫌相見晚。論文足盡平生歡。匡時乏術浮沈險。濟世無方唱和難。一樣天涯淪落者。一心一德豈無端。

重九與吳女士遊於海濱

飄零偶遇喜新知。佳節登臨樂及時。促膝聽濤舒苦憶。聯牀話雨慰深思。縱談今古興亡迹。細和黃花菊酒詩。國恥而今猶未雪。何當攜手並驅馳。

己巳季秋歸國省親

作客年年類轉蓬。天涯骨肉各西東。曾酬素志遊南國。未報深恩愧北宮。白髮何堪矚定省。青春安可久顛蒙。黃花節後歸期晚。却值高堂在病中。

萱堂花甲

井臼操勞四十春。最難藜藿總甘貧。平生律已勤和儉。一世逢人率與真。不爲親疎存異見。微論兒女視同仁。年來弟妹都能立。從此清閒禮佛身。

金陵

六代豪華盡渺茫。英雄幾輩歷興亡。三民大業千秋永。萬里長江一派強。敗冢衣冠成古跡。亂山龍虎帶斜陽。已銷王氣平權現。底定中原樂未央。

鄂北

鄂北馳驅賦遠征。聲聲鶴唳客心驚。彌天烽火江山險。匝地干戈性命輕。親老誰堪娛白髮。才疎曷足濟蒼生。何當及早抽身去。依舊乘風萬里行。

南海舟中

獨自凭欄詩思清。碧波如鏡一舟輕。無窮水色連天色。不斷機聲雜浪聲。世道崎嶇猶蜀道。海行平穩似江

行。從今復作天涯客。一任雞蟲得失爭。

謁黃花岡諸烈士墓

疎林綠竹引清風。血染花枝慘淡紅。忠骨無分埋一穴。荒山有幸勒殊功。英靈永顯千秋後。浩氣長存六合中。最是不堪回首處。令人夢與古人同。

國難不寐夜起

徬徨中夜被衣起。聊借雕欄六曲憑。冷月片雲猶作伴。熱腸一段已成冰。疏星漸匿蟲鳴歇。旭日將昇雞唱興。立盡曉風愁未盡。模糊不覺薄寒增。

廿一年中秋夜懷家國

經年作客在天涯。佳節良宵倍憶家。萬里情懷增幾許。半生潦倒獨長嗟。難收失地蛇吞象。不靖匪氛螳搗車。塞草淒迷秋正半。那堪月下聽悲笳。

海外感懷

涕淚身遙可奈何。經年勞怨在星坡。風雲變幻離愁重。山水迢遙別恨多。遺悶不妨浮蠟酒。舒情每爲放狂歌。朱顏那得春長駐。百歲原如駒隙過。

九一八週年紀念

徒勞夢想俟清河。象齒焚身是禍波。彈雨鎗林尸遍野。金風玉露葉辭柯。江山豈得偏安保。榮辱難忘此日過。我亦神州一介士。何當投筆劍同磨。

和李少庵先生四十初度

海天迢遞路悠悠。唱和羣英雅集留。敝屣功名輕得失。怡情山水傲王侯。歧黃術擅堪醫國。元白詩懷易感秋。家思而今當更切。飄搖風雨故鄉樓。（時值閏變）

與汪女士等登天堡城

曲徑迴腸上嶺難。爲搜詩料共登山。龍蟠虎踞無窮蹟。往古來今一例看。翠柏新陵幾植遍。石城遺堡半摧殘。不堪回首南朝事。日暮臨風淚暗漣。

桃花

垂絲柳畔小橋東。夾岸仙姿映水紅。乍雨乍晴含湛露。半開半萼笑春風。武陵源外迷崔護。金谷園中醉石崇。我亦願爲蜂蝶使。一生常住綺羅叢。

春暮

楚英詩存 七律

縹緲山城帶晚霞。炊煙裊裊起田家。黃鸝有恨啼空樹。綠水無言載落花。柳岸和風飛弱絮。池塘碧草噪新蛙。一春芳事恩恩了。日暮羈人感歲華。

步翊綸先生元韻

華北頻驚風雨侵。何堪再聽擣秋砧。從軍愧乏木蘭勇。悲感猶同杜老深。孰使邦危如累卵。誰當國難矢丹心。苟全權位裝鸞啞。坐待淪亡憤不禁。

排律

月夜遊太平湖（在南洋霹靂）

炎島清幽地。蠻荒韶秀姿。塵囂俱已遠。吟釣總相宜。風月秦淮異。湖山西子奇。寧嫌單袖薄。却耐晚風吹。遊興禽先覺。閒情世豈知。風光堪入畫。景色若催詩。翰墨描天趣。林泉浣俗思。清明瑩宇宙。動靜晰琉璃。水淺波紋細。山高月影遲。繁星湖底耀。疊障鏡中移。鳥宿葱龍樹。蛙鳴曲折池。野花紅欲瘦。夕沼綠生漪。瑟瑟風篁葉。垂垂楊柳絲。頽梁橫古徑。小艇滯溪湄。坐久看雲逝。宵深覺露滋。重臨何日是。後會豈無期。

咏所居

此是清幽地。素居我獨能。門前張古木。屋角掛枯藤。只與花爲伴。惟邀月作朋。空庭悲過雁。斗室靜宜僧。客感行雲集。詩懷落葉增。風多疑夜雨。寒重怯秋燈。暫把萍蹤託。寧知天道恆。

冬日晨起

寒暑空來往。推移成古今。當時揮扇處。冰雪已相侵。霧重吞花徑。霞輕吐月痕。霜鋪遍地玉。日染滿林金。好鳥枝頭語。幽人牖下吟。朔風辣毛骨。冷氣逼胸襟。遙念哀鴻苦。憮然悲思深。榮枯雖有數。造物豈無心。

絕句

病起

一病經旬久。詩書凌亂堆。起床整理畢。更拂硯田埃。憔悴憐菱鏡。衣單不勝風。嗽聲時復作。力疾赴從公。

樟林青龍山

憑虛更覺在天涯。倦鳥投林日已斜。遙指鄉關何處是。山青雲白客思家。

暮春在汕值內亂

楚英詩存 絕句

異鄉獨客古人悲。怕聽春山啼子規。况復亂離家報絕。避秦午夜命殊危。

板凳生涯

日日歸來帶夕曛。舌耕硯耨不辭勤。勞多功少甘清苦。整潔何嘗厭布裙。

感時

瘡痍滿目不堪看。國事蜩螳夢久安。株守故園無別興。持螯對菊強加餐。

重九

滿城風雨逼人來。壯志難酬心敢灰。愧我無才題令節。遺愁惟有菊花杯。

哭胞姊韻蘭

未嘗下筆淚先流。悔作迢迢汕島遊。千里書來傷永訣。不遑握手視彌留。
待人和惠性溫柔。淑行堪欽孰與儔。底事終風傷遇暴。損年畢竟屬煩憂。
回思一度一心酸。此恨深深入肺肝。汽笛一聲舟艤處。更誰遲我在江干。
（去年由汕返里姊曾親迎輪埠）
匆匆臨別語無多。誰料今朝賦悼歌。死後人情都易熱。親朋每爲淚滂沱。

一週年

人間天上別經年。世事無常等曉煙。今日英靈來降否。傷心燭淚亦如泉。

二週年

良緣新續正雙飛。往事分明旋覺非。紀念今朝誰記得。粗羹麥飯待君歸。

三週年

三載滄桑世態更。長眠人比落花輕。家貧設祭無珍品。薄酒園蔬格至誠。

追和于香草先生圓圈詩

孤輪皎浪曉風前。盪漾霞光耀色鮮。蔕見水天相接處。朱球漸現渾成圓。
國粹淪亡每慨然。革新文字莫由天。之乎者也俱無用。句讀分明不著圈。
青氈苦坐歷多年。兩袖清風敢自憐。白髮親遙誰定省。愁看皓月向人圓。
權高勢赫亦徒然。自古從無不散筵。嘆惜衆生終不悟。幾人擺脫利名圈。

花朝

寶錫天氣燕泥融。桃李烘晴春正中。爲祝花神隨俗例。滿園一律彩黏紅。
小院金鈴護衆芳。玉樓人爲惜花忙。笑他兒女嬌癡甚。撲蝶追隨態若狂。

楚英詩存絕句

贈別舊同學沈女士

隄邊綠柳正成行。唱徹驪歌欲斷腸。此去叮嚀惟一語。休教失約是端陽。
風風雨雨奈何天。無計留君劇可憐。寄語同窗須博愛。金蘭未契悔當年。

感時 甲子秋

撫衷何事最關情。江浙風雲苦衆生。故國國中無淨土。澄溪溪畔孰豪英。
阿儂生小不知情。隨寓而安度此生。自是忘懷名與利。天然傲骨勝秋英。

春暮

春郊路徧盡飛花。日暮垂楊數點鴉。惱煞良辰留不住。撩人情緒亂如麻。

輓太姑母

敬姜懿範世無倫。節勵松筠茹苦辛。欲叩天關緣底事。斯人斯疾竟歸真。
榴花零落賸殘紅。曾覩重幃慘淡容。月未重圓成永訣。栽培空盼化春風。

南海舟中

悄倚欄杆自遣愁。青山綠水豁吟眸。白雲蒼狗斯須幻。悟澈浮生一浪鷗。

途次香港

國土淪亡良可嘆。利權喪易挽回難。憑他繁盛冠南海。只作蜃樓海市看。
復我藩籬志未伸。粵南門戶最堪珍。痛心天塹龍門險。(海口)初次江山割讓人。

臘月望日在亞路士打

萬里鄉關正苦寒。炎荒未感客衣單。月圓偏向殘年照。祇覺年殘月亦殘。
獨倚亞欄不忍眠。孤輪隻影倍相憐。私心暗向姮娥說。再度相逢又一年。

月夜由檳城返吉礁車中

輕車一輛疾如飛。閃閃雙眸似虎威。寂寞晚山都睡去。只餘玉魄伴儂歸。

贈別新加坡南洋諸生

臨行桃李盡依依。太半踟躕不忍歸。南郭早無戀棧志。免招濁世是和非。
毓秀鍾靈海外賢。斯文絕續仰傳宣。暫時贈別無他語。共挽狂瀾志欲堅。

吉礁南華校操場口占

疏星淡月景清幽。南島炎威入晚收。椰葉因風聲瑟瑟。衣單漸怯似新秋。

得句常疑與古同咏單轆轤體

得句常疑與古同。吟成都半賴天功。只求適我真情趣。振筆書來不計工。
篇章急就太忽略。得句常疑與古同。綠意紅情都未道。不香不艷曷稱雄。
探索枯腸語苦窮。未能觸類逢旁通。偶然下筆開生面。得句常疑與古同。

晨渡北海

由板返吉渡中與瓊姪聯句

舟行海上浪花平。雲霧山巔辨莫明。楚數點風帆來去穩。瓊此心欲共水鷗盟。楚

代某姻妹嘆不得求學

蹉跎無奈復蹉跎。逝水青春瞬息過。二美空懷升學志。家庭多阻奈如何。
數年後二女士均無良果感而賦此

不幸生當過渡時。無形桎梏最堪悲。千年禮教猛於虎。殺盡人間好女兒。

病起 代作

病骨支離怯曉風。侍兒扶出繡緯中。妝臺塵積慵梳洗。怕對菱花憔悴容。

贈諸女友賞菊雅集

羅邊月下敍羣英。蓴味花香酒細傾。逸興幽懷誰得似。諸君不愧女淵明。
海棠

嬌柔欲滴絳雲妝。低首含情傍粉牆。可惜少陵竟拋撇。未曾收拾到奚囊。
偶成

悲歡離合總靡常。却寄新詞代八行。有感不妨託兔穎。無才也許爲詩狂。
秋夜雨

夢回客枕漏聲長。歲月蹉跎心暗傷。一度思量腸一斷。那堪蕉雨助淒涼。
贈李凝芬二女士

姊妹花枝才德豐。疊荒金粉一時空。淵源家學明詩禮。蕙質蘭心解語同。
端陽赴李府觀龍舟不得而晝寢

爲賞龍舟涉海濱。濛濛細雨洗芳塵。怡情山水心先醉。豈待雄黃始醉人。
茫茫滄海碧漪漣。何處堪尋競渡船。自笑原來弔楚客。不期薄醉枕書眠。
陰雨

涼風襲袖雨淒淒。一片陰雲壓屋低。最是悶人天氣也。此情只合寄新題。

與李女士倫妹等海濱聯句

錦波浩渺接天流。楚遙見雲帆一葉舟。倫倦鳥徘徊歸尚戀。李斜陽雖好却難留。楚

隱約漁燈滅復明。倫淒然滿院助秋聲。李蒼茫煙水渾難辨。月上椰梢夜色輕。楚

與倫妹聯句二首

(一)夜雨

瀟瀟風雨聽樓頭。倫回首中原逐鹿愁。楚漫說避秦空惹恨。倫炎涼嘗遍此番遊。楚

(二)偶成

難能濁世見清流。楚幾輩曾分恩與仇。倫一任盲人評黑白。楚須知名利等雲浮。倫

次家慈元韻

回潮九熊助讀秋。烏私未遂劇堪愁。征衫從此休重製。願賦歸來慰白頭。

附原作

「姊妹南遊已二秋。教人朝暮倚門愁。中原底定青天爽。曷不歸帆慰白頭。」

中秋夜

拙鳩豈易一枝安。涉世奚殊在激湍。一樣年年今夜月。征人常是異方看。
與南華諸生勸募公債

革命功成樂治平。欲言建設首裁兵。力籌公債同僑責。血汗犧牲豈爲名。
思親

親老那堪久遠遊。光陰彈指又經秋。自憐飄泊難償願。未報春暉萬古愁。

家慈促歸答之以詩

浪跡天涯二度秋。多虧子職曷勝愁。中原底定思田里。爭奈鰥枝不易求。

月夜

湖海飄零寄此身。冰心一片未沾塵。獨憐郢曲難爲賞。訴與淒涼月一輪。

重九遊海濱

登罷高山上水樓。偶來世外小勾留。數聲漁笛滄茫裏。醉涉平沙伴白鷗。

居鑾道中

百里車行處。處山飛巖越。整翠蕪間。晨曦初上林霏暗。雨過輕塵逐淚潛。

環遊星島海上口占

隨青年勵志社旅行團
刊於舟中出版利那報

偶來海上會羣英。林秀山青浪更平。離却紅塵仙國住。簫章利那已風行。

月下思家

蕭瑟椰風秋氣多。蟾宮清冷伴銀河。浮雲如畫偷移動。萬里思家只放歌。

參觀星洲軍港浮塢

民國十八年

車塵穀擊去匆匆。爭賞浮塢偉大功。世界和平難實現。強吞弱肉古今同。

風雨之夕

潦倒天涯慣遠遊。陽春誰和志難酬。回思往事腸應斷。風雨瀟瀟夢亦愁。

別南華諸同學

嗚嗚汽笛最無情。吹斷臨歧珍重聲。淚溼綃綃揮不起。遙看制服尙分明。（學生均穿白衣黑裙）

己巳季秋告假回國舟中

金風蕭颯莫憑欄。愈近家山氣愈寒。愁絕新歸炎島客。舟中漸感篋衣單。

十二月二日旅寧

金陵一夜雪無聲。浦口軍來客未驚。人道昨宵兵變也。中山路上少人行。
雪後謁中山陵

一座連天白玉樓。上山舉足莫輕投。模糊國父新陵遠。石級千層鴻爪留。
漢黃道中

一路泥濘興役勞。狂飈曠野起悲號。遠山近水無心賞。澈骨春寒竦髮毛。
麥未登場秧已分。農夫饑婦却辛勤。行來阡陌青黃裏。一片蛙聲帶雨聞。
重別慈親却寄

又別慈顏賦遠游。更誰定省望雲憂。應憐和璞難爲賞。膝下常離願未酬。
咏懷

板甃生涯鉄硯磨。十年潦倒恨蹉跎。依劉未免登樓感。敢效齊人彈鋏歌。
自嘲

自笑生無濟世才。心常高出九霄來。頻年走盡崎嶇路。壯志而今付劫灰。

遺愁

昔年落魄不如今。徒負平生報國心。往事每從閑處憶。新詩多爲遣愁吟。

述懷

背井離鄉慣遠遊。自憐夙願迄難酬。陽春白雪悲誰和。莫是明珠合暗投。凌霄志氣乏雲梯。數載徬徨路轉迷。試問新林多少樹。何緣可借一枝棲。

匪訊 民國十九年六月七日夜于鄂北

逐鹿頻年草木兵。萑苻乘隙夜窺城。難爲令尹綢繆苦。坐守通宵風鶴驚。梅

玉骨冰飢霜雪姿。銅瓶紙帳月明時。丰神俊逸無雙品。占得春光第一枝。玉蘭怒放

玉樹迎春爛漫開。銀花如雪冷瑤臺。亭亭倩影衣縞素。綽約新妝不讓梅。春朝

寒威漸減雨連絲。輕霧沉沉似淡煙。嫩綠新紅方競發。鶯聲破夢一年年。

春日旅行東海濱

離郊十里赴河塘。春色無邊桃李芳。赤足涉沙潮未漲。野餐也在水雲鄉。

碧桃

紅腮明媚滿堆枝。昔日當春鬥豔姿。窗外花容依舊好。朱顏那及少年時。半室霞光耀眼鮮。穩桃含笑一如前。玉容悔向花容傲。鏡裏顏衰難比妍。

聞蟬鳴

綠楊高處一蟬吟。三載寂寥隔世音。因南洋無此物。怪底世人憎此調。阿儂偏覺頓清心。

自哀

壯志難酬只自哀。雕蟲技付劫餘灰。愧無夙慧身前種。俚句每多乘興來。漫將詠雪便稱奇。續史徒然譽一時。誰似木蘭兼智勇。從茲巾幗得揚眉。

夏日家居雜詠

自笑腸枯搜索難。未成章句硯先乾。吟懷豈爲炎威阻。國事關心感萬端。灼人火傘任高張。竹院風來到繡房。林簾涼生忘溽暑。北窗我足傲羲皇。

重遊南沙

十年作客久相違。重到南沙事已非。舊雨飄零人落寞。只餘古木掛斜暉。
(訪舊多不遇而福泉寺之明朝銀杏樹尚在也)

城南母校

回憶垂髫負笈來。南沙女學此先開。裙釵隊裏忝承化。也算門牆桃李栽。

秋日重登香光樓

卓絕思翁千古業。香光二字亦長留。小樓遺蹟今無恙。花自開殘水自流。
風塵潦倒愧重遊。只覺新愁勝舊愁。惆悵人生如泡幻。年來王粲尙依劉。

廢曆元旦

廢曆而今數載更。依然爆竹響連聲。新年已減兒時樂。反使閒愁疊疊生。

別母重遊南島

背井離鄉慣遠遊。春暉未報寸心愁。慈親細把歸期訂。熱淚盈眸不敢流。
風燭年高不忍離。整裝欲發復遲遲。無情函電紛如雪。此日登程已誤期。

夜泊香港

星火煌煌欲透天。銀山風月更清妍。一江倒影橫秋水。十里空明照客船。
羊城旅邸

此來消息未曾通。只見飛帆不見鴻。最是懷人明月夜。珠江堤畔小樓中。
赴星洲南華女校復任校長勉諸弟子

常言好馬不同頭。南郭軍來事可羞。但願孜孜朝至夕。升堂入奧業勤修。
聞祖國東北失守

故國秋涼落葉時。河山破碎淚同滋。傷心冀北淒涼月。夜聽關東牧馬嘶。
國難誰甘袖手看。呼號奔走未能安。仰人鼻息羞全族。一陣思量一陣酸。
七夕于星洲

閨巷嗟然祝女牛。晚涼恰似故園秋。家家戶戶陳花葉。乞巧穿針與倍幽。
中秋憶東北

清冷蟾宮信不賒。神州角逐舞龍蛇。月華莫向遼陽照。只恐英雄盡憶家。

中秋夜遊亞拉伯花園

十載中秋客裏過。今宵我又旅星坡。遺愁合向名園去。靜坐紅橋看月波。

中秋夜

去年今夕在杭州。小艇瓜皮十里秋。一樣平湖涵月色。西湖畢竟勝南遊。

廿一年中秋夜寄國內友人

西風黃葉動邊聲。塞外晨昏牧馬鳴。因念家山今夜月。光輝不似去年明。

月下吟

年來壯志已消磨。月下敲詩興尚多。遊子天涯歸未得。誰憐淪落此星坡。
秋風起兮寸草憂。萱堂斑鬢倚門愁。枕邊夜夜思親淚。猶向蠻荒客裏流。

贈友

活潑天真孰與儔。亦稱豪俠亦溫柔。一番甘苦同嘗願。似月光明似水悠。

舟中

蒼天碧海淨無塵。萬里孤舟一葉身。拋盡心頭多少事。茫茫去路水鷗親。

入西貢海口

岸近潮平灣又灣。越南海口似龍蟠。江山若不當年失。炮鉅船堅入亦難。

重九後返家

正逢九後雨連綿。海外歸來路萬千。到得我家舊門第。相迎疏竹在人先。
一擔輕裝冒雨回。高堂白首笑顏開。家人乍見奚殊夢。更有鄉鄰話舊來。

輓垂淚女士

顏歿立傳賴賢師。淑德文章四海知。試問殺人舊禮教。古今埋沒幾蛾眉。
傷心最是女兒身。鵬願空懷志未伸。嗟我河山雖變色。英名豪氣豈湮淪。

步熊先生遊後湖元韻

山城環繞地偏幽。遙對鷄鳴一小樓。勝會不常春欲老。落紅成陣滿芳洲。

湯山

油壁輕盈轡絮微。峯迴路轉去如飛。一彈指頃陰晴變。總爲浮雲惹是非。
征車停處入陶廬。來作神仙半日居。瑤池中新浴罷。憑軒嘖茗興何如。
(入湯山)
(浴溫泉)

呼奴引我到山邊。欲探泉源上井沿。只見騰煙水氣熱。用之不竭自天然。（觀溫泉源）
暮靄蒼茫下碧峯。前村燈火有無中。一鉤眉月羞人見。料峭春風似朔風。（歸途）

上巳

修禊堂開晉永和。羣賢畢集俊才多。重三難得休辜負。曲水流觴醉復歌。
洛水山陰煙柳新。惠風和暢正芳辰。良朋滿座爭題詠。如此消磨故國春。

義農會舊址 在總理陵西北區

破屋三楹不掩關。大江似帶向東彎。眼前玄武五洲小。身入雲霄莫等閑。

登天堡城

到此如登天外樓。羣山無語盡低頭。翠蕪一片江城小。萬象星羅眼底收。

枸橘

民國廿三年四月二日遊中山陵西北區山腰有
枸橘開白花甚盛因刺密不可攀折感而賦此

針似蒼松花似梅。異香馥郁路旁開。漫嗟山野無人護。會看千頭枝上堆。

杭州寄汪君

一番聚散一番愁。屢欲辭歸屢挽留。今日西湖如昨日。櫓聲那比曲聲柔。

廿三年欲北遊不果

幾番欲作燕京遊。風雨飄搖劇杞憂。倘使民心猶未死。破舟尚可共興修。

揚州綠楊村

行來一路喜高談。勞頓舟車苦亦甘。最愛綠楊芳草地。維揚春好勝江南。
綠楊村裏飲金波。醉泛扁舟共放歌。歷遍名區三五處。夕陽歸棹畫船多。
三月鶯華劫後灰。平山荒徑綠生苔。朱簾十里餘芳草。恨我生遲百歲來。

焦山

兀峙東南勢最雄。荷衣樂隱慕焦公。江流信似愁人淚。不盡滔滔夕照中。

杭州雜感

揚州遊罷到杭州。盡把風光囊篋收。三竺六橋依舊好。韶華爭似水長流。
勁節堪爭日月光。男兒不負此昂藏。山靈應慶同千古。埋得忠魂土亦香。
如此清狂有幾人。願爲逋客不爲臣。優游山水花間臥。常是羅浮夢裏身。
達士襟懷迥出塵。一生梅鶴獨相親。功名敝屣能知足。留得芳名不礙貧。
(孤山謁林處士墓)

牛首山

春山第一推牛首。我亦隨人勝蹟遊。車水馬龍來上苑。暫忘家國始無憂。

清道人祠 在牛首山

名山名士共長留。祠倚奇峯境絕幽。但願百年能享此。不知清福幾生修。

棲霞山

蒼巖起伏野浮煙。鐘鼓經聲別有天。除却名山古寺外。此身何處足留連。（春日）
塵網難逃困宇寰。偷閒始訪六朝山。人間不覺秋光老。試看楓林葉已斑。（秋日）

太湖蠡園

火傘高張赤帝威。行來一路汗頻揮。柳陰品茗憑欄久。靜對湖山欲忘機。
冒暑耽遊志未灰。名園半日共徘徊。長廊百尺涼如許。時有清風拂面來。
湖上玲瓏築小亭。風來四面水微腥。飄然疑入神仙境。倒影屏山一帶青。
東南半壁舊山河。起造園林日見多。恰似昇平好現象。不妨對酒且當歌。

太湖飯店月夜不寐

晚峯點點眼前陳。相對無言形影親。遠處依稀雲樹裏。太湖湖水白如銀。
繞屋梅林千萬多。二湖（太湖及五里湖也）澈夜見銀波。蒼天會得詩人意。妙景安排任爾哦。
流連山水樂閒身。出世心情不染塵。日月往來誰作主。空勞迎送楚江濱。
闌林寂寂夜漫漫。爲惜良宵獨倚欄。坐對素娥拚不寐。曉風未減客衣單。
遙對湖光山色妍。此間小住亦神仙。長廊寂靜清風夜。明月留人不忍眠。

梅園步月

橫斜疎影萬千梅。密密叢叢百畝栽。想見初春明月下。此間應有美人來。

暮歸

邱壑模糊帶落暉。芳林茅舍晚煙飛。山間明月如相問。載得閒愁幾許歸。

話別

白鶴仙蹤任自由。來時未約去無留。世人莫道儂情薄。免却臨歧一段愁。

莫愁湖

十里清香滿沼荷。夕陽煙水盪金波。豪華六代空留蹟。莫說愁多恨亦多。

夏夜泛舟玄武湖

仰望長空密布星。風來水面帶魚腥。良朋不絕高談裏。遠處絃歌隱約聽。
涼風習習起滄溟。船向湖山勝處停。昏黑難分天與水。流星錯被認流螢。

甲戌夏奇熱 爲六十年來所未有

今年酷暑熱難支。扇不停揮汗亦滋。長日炎炎無個事。小窗愛讀稼軒詞。
鎮日昏昏如火煎。林間未曉亂鳴蟬。電風扇起翻增熱。冰簟銀床夜不眠。
月影西斜斗柄橫。乘涼不覺過三更。入房悶熱儼將出。悄坐簷前待到明。

九日登雨花臺品茗第一泉

佳節難逢遊興豪。不因風雨阻登高。龍山未落參軍帽。革履先行換綈膠。
九日無晴年復年。客中尋興總堪憐。滿城風雨泥多濁。獨愛澄清第二泉。

雞鳴寺

巍峨古寺號鷄鳴。坐擁山城玄武平。最是令人留戀處。詩情畫意有餘清。

胭脂井

一帶荒城草木森。梧桐葉落已秋深。可憐宮井今猶在。六代胭脂何處尋。
秋夜雨與倫妹讀古詩源

秋風秋雨響瀟瀟。共讀詩篇慰寂寥。不是閒愁無處遣。更誰吟咏可憐宵。

秋風颯颯冷黃昏。獨坐吟哦深閉門。四壁蟲聲如訴怨。一窗涼月過無痕。
江邊渡頭

月白風清古渡頭。吳山點點使人愁。江流易把塵襟滌。難洗邦家失地羞。
渡舟橫處晚風涼。隱約秋山鎖翠妝。踟躕行吟邀月伴。滿天星斗夜茫茫。
明湖春聚餐

滿座高朋聚小樓。東南俊彥一時收。講文論武兼歌詠。樂處頻將大白浮。
胡氏花園

樓臺亭閣繞池塘。秋樹蕭蕭對夕陽。嘆惜園林搖落處。假山雖好總淒涼。
山巔山麓有人家。黃髮垂髫笑語譁。最是幽閑禽鳥樂。白鵝齊列在汀沙。

木榭無人深閉門。清秋時節欲黃昏。崎嶇舊道艱登陟。去路淒迷正斷魂。

寒宵

古木森森繞我廬。一庭霜月伴幽居。黃昏已過人聲寂。獨對孤燈自看書。

人日京滬道中遇雪

呼呼曠野起狂飈。玉屑飛來掩麥苗。上下紛紛來去客。人生端的絮同飄。

春日遊玄武湖菲洲

菲洲園裏野人家。茅舍泥牆桃李遮。十畝芳菲山繞水。僅留一角種桑麻。

述志

誰願離邊雞鶩爭。失時何辱得何榮。惟當振翼高飛去。莫誤前途萬里程。

烏衣巷

豪華舊第繁人思。富貴浮雲信有之。畫棟玉堂何處是。斜陽髣髴六朝時。

五台山乘涼所見

林間新月正初生。都市燈光萬點明。或是乘涼或歡聚。花陰低語訴衷情。
偶感

公畢回家度一天。寒來暑往自年年。詩情懶與人情惡。身在紅塵總可憐。
廿四年五月贈章女士南渡

利器斯能善事功。益圖精進苦勤攻。料君從此乘風去。化遍南荒時雨同。
廿四年六月聞華北惡耗

白山黑水去難回。更有平津惡耗來。試問漢家多少地。任人蠶食亦哀哉。
秋夜憶家

西風清冷月如芽。心緒無端亂似麻。况值悲秋時節至。客窗那得不思家。
自憐

人心險惡官途難。不善逢迎不善鑽。未改書生舊習性。常今休想慶彈冠。
最喜

最喜故人冒雨來。寒窗破寂共徘徊。縱談今古兼詩話。院竹青青映酒杯。

題猶得住樓詩選

早識之無才自奇。終風偏遇劇堪悲。可憐一現倏曇影。痛絕生平未展眉。
詞多怨抑苦情深。想見當年帶淚吟。底事長留遺稿在。教人一讀一傷心。
高情俠義振乾坤。同死心堅友道存。久住蓬瀛空有願。獅林孰弔兩芳魂。
天賦聰明筆一枝。郊寒島瘦斷腸詞。多才每爲蒼穹妬。一著情魔不自知。

題紅拂圖

功勳未樹快知音。清夜追隨豔福深。千古梁張堪媲美。(君自題有梁識靳王張識衛句)奇情俠骨倍心
欽。

侯門夙昔識英雄。冷肆者番故識紅。莫笑太忙狂太甚。千秋知己一般同。

詩餘附

憶江南 春日

江南好。柳浪起和風。鳥語花香隨處是。踏青人在畫圖中。春色正無窮。
江南好。最是豔陽天。花不知名迎客笑。翠蕤望處起浮煙。美景足流連。
江南好。瞬息落殘紅。最是無情憎蛺蝶。雙飛對舞可憐蟲。不解怨東風。
江南好。小院晝初長。花謝絮飛春正去。子規聲裏斷愁腸。默坐細思量。

西江月 秋夜

變幻滄桑世事。漁陽又聽鼙聲。去年今日苦秦兵。多少無辜輕命。
卻喜姮娥無恙。依然秋夜偏明。自憐愛患度餘生。對影三人相並。

憶秦娥

傷離別。征鴻不見音書絕。音書絕。夜長不寐。苦衷誰說。
水晶簾捲東風歇。伴人空有多情月。多情月。無言相對。柔腸千折。

菩薩蠻 桂花

扶疎枝葉千層綠。九秋仙骨排金粟。風過散天香。月明色失黃。
蟾宮難斧斫。獨秀韻高絕。漢殿允堪珍。兕牢肯爲薪。

極相思 代某友寄思

西風孤雁悲鳴。落葉有微聲。銅壺漏盡。衾寒似鐵。好夢難成。回憶前塵癡欲絕。最銷魂淺笑盈盈。別離時候。伴歡忍淚。無限柔情。

菩薩蠻 元旦在南島

雲山萬里遙相隔。家書不至殊難測。爆竹響連聲。方知歲序更。身穿羅錦薄。脚著東山屐。何處樂天倫。春來不似春。

長相思

盼花時。到花時。惹得離人動遠思。臨風綠柳枝。雨如絲。泪如絲。溼透羅巾却未知。梁空歸燕遲。

相見歡 思親

蘆花蘼菜思鄉。想高堂。日暮倚閭遙望鬢成霜。秋深候。夜如晝。看到將沉殘月更淒涼。

賣花聲 冬至憶家

古道夕陽斜。旅邸思家。園林搖落集歸鴉。一似重逢長別後。歡語喧嘩。獨客在天涯。新柳欲芽。春光漸洩

到梅花。却又深閨添弱綠。暗度年華。

玉蝴蝶 題眠雲樓詩鈔

醉來只寫烏絲。綵筆何淋漓。幽恨訴誰知。牢愁化作詩。雲華悲早逝。終古苦相思。那得有良醫。療人一種癡。

一翦梅 南海舟中

新寒冷氣向南消。海內騰蛟。船上聲囂。愁人對此感無聊。山又遙遙。水又迢迢。客裏光陰不易拋。心苦常

焦。酒苦難澆。清風明月可憐宵。欄影頻搖。衣影隨飄。

滿江紅 板城極樂寺

喬木婆娑。把一角紅牆掩住。流水急琤琮奔放。疑如雨注。及進法門心便靜。非來佛殿拈香炷。奈浮圖高處。粉痕新。題愁句。傷往事。怎回顧。懷舊恨。憑誰訴。看一盤空弈。孤舟虛渡。素志未酬雙鬢改。積勞豈挽華年駐。餅不如。合十念彌陀。禪機悟。

聲聲慢 星洲李總領事府

夕陽猶戀。皓魄將升。眼前景色蒼茫。極目煙波。落霞一片紅黃。鵲樓遠山似堵。聽數聲漁笛滄浪。隱約見。有星兒明滅。對岸燈光。（燈塔）獨自憑欄久也。覺晚風吹袖。暗送微涼。藉地抬頭。東山圓月如霜。人生幾多歡聚。享燈筵。春暖華堂。衆粉黛。樂融融。共勸飛觴。

浪淘沙 星洲釣魚池

海口晚風輕。潮至無聲。遠山恰似水邊城。漁火疏星環繞裏。看不分明。坐釣不須爭。心氣和平。鱸魚餌得作鮮羹。水面酒家調美味。頃刻烹成。

憶江南 新春渥難

江南好。細雨杏花天。踏踏春愁眠不得。晨昏不斷炮聲連。幾處起烽煙。江南好。綠柳拂隋隄。畫棟雕梁成瓦礫。燕來難覓舊巢泥。何處得安棲。江南好。遍地落殘紅。底事東皇偏肆虐。木蘭誰似氣如虹。妖氛掃除空。江南好。原上草離離。白骨道旁無姓氏。春閨猶是卜歸期。腸斷倚欄時。

破陣子 哀國難——二十年秋

故國奇災洪水。哀鴻遍地嗷嗷。死則尸浮生離散。濁浪排空沒處逃。鬼哭又神號。閭閻禍起戈操。宵人潛越臨洮。黑夜行兇無抵抗。侵城奪野登頻挑。蠶食難同遭。

訴衷情 代作

春曉。聞鳥驚醒了。擁孤衾。書裏意。猶記。似情深。爭奈到而今。沉沉。遼陽無信音。夢難尋。

浪淘沙

太湖飯店月夜

獨自對湖山。倚遍欄干。宵深翠袖不知寒。客裏清風明月夜。無限悲歡。世路本艱難。孤調休彈。功名得失總無關。正欲扁舟五里去。波上雲間。

念奴嬌 孟冬登棲霞山望龍潭

棲霞山上。望龍潭。崗阜重重疊疊。壘壘荒坵。多半是革命健兒尸窟。黃土長埋。青山不老。無數英雄骨。斜陽衰草。寒風江水淒咽。因念北伐當年。短兵相接。日夜連廝殺。幾萬頭顱。一旦流水腥紅如血。慘目傷心。驚魂奪魄。不忍睹楓葉。彼蒼何極。生靈長罹浩劫。

前調 棲霞山

晨曦初上。正新寒入序。風如刀刮。重訪六朝名勝蹟。烟鎖棲霞古剎。未睹楓林。先聞清磬。俗慮俱消歇。百年猶寄衆生。何得超脫。舍利七級巍峨。巖然雲表。面面離菩薩。最是峻嶒千佛嶺。人奪天工殊絕。援木披荆。攀巖越壑。勇進無稍怯。憑臨高處。滿山盡蔽紅葉。


鷓鴣天 代作

自古紅顏薄命多。遺愁無計賴清歌。珠喉欲放聲先咽。半世心靈盡折磨。思異日。憶經過。無端一晌綢繆。

如夢令 登棲霞山頂

紅葉滿山如綉。白雲滯空疑畫。初上汗淋漓。轉瞬朔風吹袖。知否。知否。冷熱最難消受。

楚英詩存詩餘附



民國二十五年六月出版

版權
所有

非
賣
品

82

424144

103

25
3